

## Transkription von Urkunde QBD 1362a

Ort, Datierung: Quedlinburg, 1362-11-02

Signatur: Stadtarchiv Quedlinburg, Abt. IV, 98

Inhalt: Kapitel des Quedlinburger Stifts: Verzichtserklärung gegenüber der Stadt Quedlinburg

---

Wie Elzebeth von goddes gnaden Ebdesche Margarete prouestinne Ermegard Dekeninne vnde dat ghanze Capittel / des werleken goddeshus(es) up der borgh tũ Quedelingborgh . bekenne(n) in desseme opene(n) briefe alle den die on seen / horen edder lesen dat wie hebben gheredet vnde gheloue hanse kuzse . hanse beningen borghermestere(n) vnde deme / Rade den monomesteren den Jnningemesteren in vns(er) stad tũ quedingborgh dat wie sie will(e)n schadelos halden / der viere mark b(ra)ndeborsches silueres die wie met on hadden alle Jarlekes . vnde die wie nv hebben on/drechtchleken vorkoft tũ dren lyuen . vnde reden vnde louen den vorebenomeden wen sie die vore sprokene / viere mark gheuen den . den wie sie vorkoft hebben so sint sie orer von vns ledich vnde los . were ok dat / sie ymand dar vm(m)e anspreke edder tũ maninge edder tũ reden dar v(m)me settede des rede wie vnde louen / on ledich vnde los tũ helpene ane allerleye arghelyst vnde ane weddersprake . Disser stukke tũ bekentnisse / vnde orkunde hebbe wie vore ghenomeden . den erghenanten vns(en) borgheren tũ der stad hand dessen openen br/ief gheuen met vns(er) aller vulbort vnde iowelkes biesundern beseghelt met vns(en) guden willen met vns(er) Cap/itteles Jngheseghele dat an dessen brief ghehenget is . Nach goddes ghebort durent Jar drye hundert Jar / Jn deme anderen vndesosteghesten Jare des anderen daghes na alle goddes hilghen daghe